

中国边疆研究资料文库·边疆史地文献初编

東北邊疆

第二輯

中国边疆研究资料文库·边疆史地文献初编

東北邊疆

第二輯

柳
边
纪
略

柳 边 纪 略

柳邊紀略

山陰楊賓著

古來邊塞種榆故曰榆塞今遼東皆插柳爲邊高者三四尺低者一二尺掘壕於其外呼爲柳條邊又曰條子邊西自長城起東至船廠止北自威遠堡起南至鳳凰山止設邊門二十一座曰鳳凰城門曰愛哈門曰○興京邊門曰加木禪門曰英額門曰威遠堡門曰發庫門曰彰武臺門曰白土廠門曰清河門曰九官臺門曰松嶺子門曰長嶺山門曰新臺門曰黑山口門曰高臺堡門曰平川營門曰布兒德庫蘇把兒漢門曰黑兒蘇門曰易屯門曰發武哈門此○盛京志所載也會典又稱西自長城起東至喇林山止設邊門十四座曰名水堂門曰寬邦門曰碾盤溝門曰新臺門曰松嶺門曰九官臺門曰清河門曰白土廠門曰章古臺門曰法庫門曰布爾都庫蘇巴爾漢門曰黑爾蘇門曰衣屯門曰發武漢門北自威遠堡起凡六門曰威遠門曰英額門曰因登門曰鹹廠門曰發陽門曰鳳凰城門共二十門較志少門一而不同者志纂於康熙初會典成於康熙二十六年當以會典爲正每門設蘇喇章京一員筆帖式一員披甲十名

盛京城周九里三百三十二步明洪武二十一年指揮閔忠因舊址築四門○大清天聰五年增高一丈拓大三百步周十里二百七十二步康熙十九年築關牆周三十二里四十八步高七尺五寸門改爲八大東曰撫近小東曰內治大南曰德盛小南曰天祐大西曰懷遠小西曰攘外大北曰福勝小北曰地載外書滿文內書漢文城中有鐘鼓二樓百貨集其下

皇極在南門內中宮曰清甯東宮曰闕離西宮曰麟趾次東宮曰衍慶次西宮曰永福樓曰翔鳳閣曰飛龍正殿曰崇政殿大門曰大清門東曰東翊門西曰西翊門大殿曰篤恭殿東坊曰文德西坊曰武功江道士苗黑冥君穆守南之時年八十餘矣城左有圓殿一正中脊高二丈基高尺許大如高之半左右小圓殿各五基與地等

脊高丈許大亦半之○○○太祖率諸貝勒受朝賀處

盛京西六十里有土牆基號曰老邊疑卽前明失遼陽後邊牆

東北柳條邊內外設將軍三曰○盛京將軍曰甯古塔將軍曰愛渾將軍

卽黑龍江將軍

府尹一曰奉天府尹

盛京將軍奉天府尹所屬東至○興京西至山海關永平府界南至海北至發武哈門柳條邊東北至威

遠堡設京二曰○興京曰○盛京府二曰奉天府曰錦州府州三曰遼陽州曰甯遠州曰金州縣七曰承

德曰海城曰蓋平曰開原曰鐵嶺曰錦曰廣甯城一曰鳳凰以上皆入版圖甯古塔將軍所屬東至東海

東南至希喀塔山海界東北至飛牙喀海界西至威遠堡○盛京界南至土門江朝鮮界北至發武哈邊

愛渾將軍所屬東至海西至尼布楚阿羅斯界南至甯古塔界北至海以上不設郡縣羈縻之國居多

明時遼鎮建敵臺千三百三十三座路臺二百二十八座當初建時量地衝緩緩者五里一臺衝者二三

里一臺路臺高三丈五尺周四丈體圓以大甌爲之上置鋪樓垛口每臺設守軍五名專納行旅居民

之遇敵者也今自山海關至甯遠州依然星羅棋布完好若新自甯遠州至奉天府或五里一臺或十餘

里一臺○明啟祚朝爲大清所毀自奉天至威遠堡柳條邊則數十里一臺而又殘毀過半土人云天聰間增城奉天

取材於此故也

山海關唐太宗時築城五所謂五花城也元時爲遷民鎮明洪武十四年大將軍徐達建山海關城堡一

座周九里高三丈五尺又建山海衛領所八設指揮十三員千戶十九員百戶二十三員鎮撫二員經歷

一員宣德九年置守關兵部分司設主事一員嘉靖四年設巡關御史一員隆慶二年裁革三年建山海

關營屬薊鎮設參將一員領中軍一員千把總五員額兵千四百一名尖哨三十名夜不收三十名額馬
騾二百匹頭關外卽屬遼鎮設二十五衛分屯重兵額曰天下第一關今設和敦大一員佐領八員驍騎

八員兵三百六十四名移永平府通判一員護過客搜獲貂而已凡出關者旗人須本旗固山領眞送牌子至兵部起滿文票漢人則呈請兵部或隨便印官衙門起漢文票至關旗人赴和敦大北衙記檔驗放漢人赴通判南衙記檔驗放或有漢人附滿洲起票者言苦獨立等輩至北衙亦放行矣進關者如出時記有檔案搜檢獲貂之後查銷放進否則漢人赴附關衙門起票從南衙驗進旗人赴北衙記檔即進蓋自外入關旗人便於他時銷檔而後不必更起部票也至於人漢惟○朝廷及王公歲額得入餘皆不得入入者死是以濫賈不敢公行向賂守者或夜踰城入或晝壓草車糧車詐入康熙己巳庚午間○天子履責守關吏或死或徙賂不行乃從他口入亦有汎海自天津登州來者貂禁稍寬然恐其攜一等貂來實紹分三等過必查閱少而醜則已多且佳必解部拔一等者送內務府餘則官賣價給主長城東盡處曰大龍頭西盡處曰大龍尾皆有古碑刻大字嵌城上大龍頭土人呼爲老龍頭上有望海樓或有遊宴其中者樓前有石碑大書一勾之多四字

山海關外三里曰懷愴嶺又曰歡喜嶺蓋東行者止此懷愴西還者至此歡喜也又五里曰毛家山南卽望夫石貞女祠在其上像一婦人竈中作懷惻狀所謂許氏孟姜也有聯云秦王安在哉萬里長城築怨姜女未亡也千秋片石銘貞祠南里許爲姜女墳或曰在海中

十三山在錦縣境內醫巫閭山南去大凌河三十里直十三站遼顯州地也山不高大有十三峰峻若削雜立如人屨從東巡日錄所謂若研山也上有潭下有洞金太常蔡珪詩云閭山盡處十三山溪曲人家畫幅間康熙壬戌屨從者猶見山下人家今則無之矣

古咸州應在開原站威遠堡間黃龍府○盛京志作開原縣按金史地理志天眷三年改黃龍府爲濟州而婁室墓碑載室葬於濟之東南奧吉里今其墓在船廠西二百里之薄屯山則當日黃龍府治應在今

石頭河雙陽河間又松漠紀聞黃龍府百餘里曰賓州州近混同江其說亦合若開原去混同江六百餘里金太祖安能一渡江即據有之

葉赫老城在驛路旁新城亦可望見俱無人迹余同行鑲白旗擺牙喇常明新城貝勒後也謂余曰我國因兄弟不睦各據一城自相殘殺又政由婦女以致滅亡常明父白二格年八十餘少時爲○○太宗臂鷹今以罪流甯古塔猶能言舊日事或曰前大學士明公珠老城貝勒後

船廠即小吳喇南臨混同江東西北三面舊有木城北二百八十九步東西各二百五十步東西北各一門城外鑿池池外築土牆周七里百八十步東西門各一北門二康熙十二年建今皆圯惟東西北三木樓在

康熙十五年移甯古塔將軍鎮之中土流人千餘家西門百貨湊集旗亭戲館無一不有

船廠設於順治十八年昂邦章京薩兒吳代造船於此所以征阿羅斯也而萬季野以爲卽明永樂間船廠余聞前省中陳敬尹曰吾初至小吳喇尙無造船之命而穿井輒得敗船板及鏽鐵釘又井水或鐵臭吳喇國舊城周十五里四門內有小城周二里東西各一門中有土臺城臨江江邊有庵曰保甯

長白山土名鼓嶺民
商堅阿鄰

在烏喇南千三百餘里高二百里橫互五之無樹木惟生叢草草多白山半有石

臺山巔積雪皚皚五峰環峙南一峰稍下如門中有潭周二十五里峰頂至潭二百五十丈潭水南流入海者三曰土門江曰鴨綠江曰佟家江北流者五曰賽因訥因河曰額黑訥因河曰昂邦土拉庫河曰孃木孃庫河曰阿香革土拉庫河總匯於混同江金大定十二年卽山北建廟冊爲興國靈應王明昌四年冊爲開天宏聖帝今康熙十六年○○遣官確勘十八年○○遣官致祭照明初封五嶽例○○冊爲長白山之神初於甯古塔西南九里溫德恆山致祭今改於船廠城外春秋仲月初旬甯古塔將軍主祭○盛京禮部遣官讀祝文贊禮

冷山宋洪忠宣公皓所居余於必兒漢必拉北望相去約數十里積素凝寒高出眾山之上土人呼爲白山以其無冬夏皆雪也松漠紀聞冷山去燕山三千里去金所都二百餘里去甯江州百七十里扈從東

巡日錄曷末遼遼

即俄莫賀索藉站

東北二百餘里爲冷山

尙陽堡在開原縣東四十里安置罪人始於天聰七年八月後以爲例自順治末改發甯古塔康熙初又增船廠黑龍江席北白登訥卽有發尙陽堡者止居奉天府城而尙陽堡爲墟矣

甯古塔周曰肅慎氏漢曰挹婁六朝屬勿吉在白山拂涅二部間唐初屬黑水靺鞨後屬渤海宋曰生女真金曰曷里改路元曰胡里改萬戶府屬合蘭府水達達路明屬奴兒干都司甯古塔之名不知始於何時甯古者漢言六塔者漢言箇相傳有老者生六子遂以之名其地有指爲○○六祖發祥之地者非混同江一名粟末江又名速末江又名宋瓦江又名松阿哩烏喇松阿哩者漢言天烏喇者漢言河言其大若天河也混同江之名改於遼聖宗四年其源發於長白北流遶船廠城東南出邊受諸尼江東注北受黑龍江南受烏蘇里江曲折流入大東海其在船廠東南者闊三十丈余去時爲己巳十月二十一日江已冰乘車過是日晴和冰少融見土余疑爲江底土人曰江深二丈餘冰上積土土上復冰今所融者土上冰耳歸時爲庚午二月二十一日流漸蔽江鋒甚利舟不肯渡余策馬從亦拉江徑涉亦拉者漢言三也尼失哈站下流兩沙洲分江水爲三故以此名水僅沒馬腹余所乘高麗馬則沒頸因念金太祖乘赭白馬徑涉水及馬腹平平耳何神異之有

冬雪多則春夏融流水大否則小余適當己巳冬矣無雪故可徑涉云

尼失哈站南山上有潭

產小魚魚皆逆鱗人不敢食尼失哈者漢言小魚

遼河套在開原西北舊顯州城下水甘土厚平地不下萬頃明宣德以前皆屬遼內自畢恭立邊牆後遂置邊外嘉隆間漸爲福餘衛頭目所據天命四年○○○太祖既擒介賽貝勒喀爾喀舉部北徙此地遂

成甌脫

遼東金川旅順口距山東登萊甚近順風揚帆一日夜可達明時運糧運貨往往由此若永樂宣德間海運則自旅順口徑達開原城西老米灣

古甯江州應在金厄黑木站屬從東巡日錄指爲大吳喇者非是松漠紀聞來流河去混同江百十里來流城卽在甯江州西金太祖紀十月朔克甯江州城次來流城可證今去混同江東百十里者正厄黑木站第不知何水爲來流河故蹟若大吳喇則在混同江邊

邊外多山戴沙土者曰嶺如歡喜嶺盤頭嶺之類戴石者曰拉亦作礪如拉伐必兒漢必拉之類平地有樹木曰林如惡林王家林之類山間多樹者曰窩稽亦曰阿幾○盛京志作窩集實錄作兀集秋筵集作烏稽如那木窩稽色出窩稽朔爾賀綽窩稽之類瀑布曰發庫平地曰甸子亦作佃子如寬佃子張其哈喇佃子之類坡陀曰阿賴山之銳者曰哈達如山陰哈達之類

席百一作西北又作席北在船廠邊外西南五百餘里土著自言與滿洲同祖而役屬於蒙古之科爾沁凡自船廠往墨爾根愛渾黑龍江者由此天聰八年十一月霸奇蘭等征黑龍江命由科爾沁國舅吳克善所屬之席北綽爾門地方經過則爲東北衝途久矣特以地屬外藩公行劫奪行旅每視爲畏途耳

黑龍江愛渾城在船廠東北後魏時曰黑水部屬勿吉唐曰黑水靺鞨置黑水府金曰合懶路元曰合蘭府水達達路明曰黑龍江忽黑平寨○本朝天命元年八月○○○太祖命達爾漢順科洛巴圖魯征之後朝貢爲孺陳國康熙十三年始築城二十二年使將軍一員梅勒章京三員滿洲披甲千人索倫披甲

千人所謂黑龍江新披甲也

凡盜賊免死者多給爲奴

大船四十花船七十槳船十七以船廠甯古塔流人爲水手幫

兒各八百二十四人二十九年將軍統其半駐墨爾根以衛索倫索倫者屬國也產美貂號索倫皮與西

北阿羅斯爲鄰康熙四年阿羅斯率八十餘人入索倫部取貂皮淫其婦女臥未覺甯古塔將軍巴海輕騎往襲之盡殲其軍脫者四人於是築城於雅克薩爲邊患者二十餘年康熙二十八年○○天子命舅舅公佟國綱內大臣索額圖往諭禍福乃毀雅克薩城退地五百里以尼不緒爲界而索倫貂乃盡入貢矣

虎兒哈河卽鏡泊下流金胡里改江也闊二十丈源出色出窩稽邊甯古塔西南東北折入混同江匯黑龍江烏蘇里二江入海其水色白味甘飲之益人精力或曰瀉水也

甯古塔西八十里有大石曰德林在萬山中廣二十餘里袤百餘里其平若砥色或青或黑或紺或若龜文或若羊肚又復嵌空玲瓏馬蹏鑿鑿然若行鼓上而曲池橫沼志所稱如井如池者莫不凍魚鼈焉

甯古塔城舊在覺羅城北五十二里康熙五年移於覺羅城西南去覺羅城八里今梅勒章京所居者新城也新城建舊城遂廢人呼爲舊街上

甯古塔四面皆山虎兒哈河遶其前木城周二里半東西南各一門外爲土城土城本周十里四面有門今皆圯惟臨河西南面壁立公衙門及梅勒章京居在木城內餘官兵及民皆散在城東西南土城內合計不過三四百家屋皆東南向立破木爲牆覆以莎草厚二尺許草根當檐際若斬綯大索牽其上更壓以木蔽風雨出瓦上開戶多東南土坑高尺五寸周南西北三面空其東就南北坑頭作竈上下男女各據坑一面夜臥南爲尊西次之北爲卑曉起則疊被褥置一隅覆以氈或青布客至共坐其中不相避西南窗皆如坑大糊高麗紙寒閉暑開兩廂爲藥房爲倉房滿語曰爲藥房爲倉房爲樓房用貯食物四面立木若城名曰障子以柵

爲門或編樺枝或以橫木廬舍規模無貴賤皆然惟有力者大而整耳
自混同江至甯古塔窩稽凡一二日那木窩稽曰色出窩稽那木窩稽四十里色出窩稽六十里各有嶺界

其中萬木參天排比聯絡間不容尺近有好事者伐山通道乃漏天一綫而樹根盤錯亂石坑呀秋冬冰雪凝結不受馬蹏春夏高處泥淖數尺低處匯爲波濤或數日或數十日不得達政竊白戟之類攢噉人馬馬畏之不前乃焚青草聚煙以驅之夜據木石燎火白衛山魃野鬼嘯呼墮人心膽餒則咽乾糧盡又或射禽獸燒而食之

土人言遼金東京在今遼陽州非是考金史地理志上東京至胡里改六百三十里西至肇州五百五十里北至蒲與路七百里東南至恤品路千六百里至曷懶路千八百里又洪忠宣路程上京三十里至會甯頭鋪四十五里至第二鋪三十五里至阿薩鋪四十里至來流河四十里至報打孛廛鋪七十里至賓州渡混同江則是金之上京確在今甯古塔之西混同江之東其去混同江僅一百六十里以今道里度之應在色出窩稽左右而色出窩稽嶺上土城址尙在今人指爲金時關門者安知非是然則沙蘭之金碧猶存者其殆熙宗天眷以後之北京歟

威伊克阿林極東北大山也上無樹木惟生青苔厚常三四尺康熙庚午與阿羅斯分界○○天子命鑲藍旗固山額眞巴海等分三道往視之一從亨烏喇入一從格林必拉入一從北海遶入所見皆同

時方六月

大東海 立碑於山上刻滿洲阿羅斯喀爾喀文

沙蘭城內存石塔一石觀音一康熙初觀音首脫鼻端微損新鄉張司空坦公名綽琢而小之今高九尺

而石座又三尺餘己巳六月甯古塔藍旗固山大巴黑塔阿媽病且死夢石觀音至其家遺命長子吳達哈爲屋以蓋之吳達哈出五千金屬西關吉林下觀音廟僧淨金董其事淨金又募得數十金冬十二月入窩稽伐木庚午二月初六日破土又往時存一紫石碑康熙初大興劉侍御命人往觀其人椎而碎之取一角遺僅十四字作四行首行曰深契次曰聖次曰儒生盛于東觀次曰下瞰闕庭書額率更令蓋國

學碑也又土人云城內雖無居人遠望之猶有王氣城北十餘里有兩石橋橋九洞今石雖圯柱尚在又將軍安珠瑚使人浚井得珠漆井亭木方尺顏色甚鮮

五國城就徵欽之死斷之似一城而五國其名者考遼史營衛志五國俱有國名曰剖阿里國曰益奴里國曰奧里米國曰越里篤國曰越里吉國則非聚居一城也至其地或以爲在三萬衛北一千里自此而東分爲五國或以爲在羌突里噶尙或以爲在朝鮮北境或以爲去燕京三千八百餘里西上黃龍府二千一百里或以爲甯古塔相近槍頭街有舊城址五疑卽是而余以爲徵欽自徙鶴里改路之後未聞再徙則五國城自在鶴里改路境內而鶴里改者卽虎兒哈胡里改之變書也槍頭街之說庶幾近之

黑龍江發源塞北南流而東混同江發源長白山北流而東入海處合而爲一金史世紀稱混同江亦號黑龍大誤又兩江之水手掬之皆白色惟遠望略如柳汁金志及松漠紀聞稱掬之則色微黑不可信

自○京師至甯古塔凡二千八百七十八里○京師四十里至通州二十里至燕郊二十里至夏店三十里至三河縣三十里至邦均二十里至段家嶺三十里至別山二十里至枯樹三十里至玉田縣四十里至沙流河四十里至豐潤縣二十里至板橋三十里至榛子鎮三十里至新店堡二十里至沙河二十里至野雞陀十五里至安和站二十五里至永平府三十五里至雙望二十里至鹽峰口十五里至撫甯縣二十里至榆關二十里至深河三十里至范家店三十里至山海關三里至歡喜嶺五里至八里鋪十二里至老軍屯三十里至高梁站十八里至前衛十五里至凉水河十里至葉家墳三十里至中後所十八里至東兒站十二里至望海店三十里至七里坡十二里至曹莊十里至甯遠州十八里至雙樹鋪十二里至連山十八里至塔山十二里至高橋十八里至杏山十八里至松山十八里至小凌河十里至雙陽店二十里至大凌河三十里至十三站四十里至固陽驛二十里至壯振堡十里至興隆店十五里至二

臺子十里至顧家子三十里至中安堡十八里至辛陽河十五里至小黑山二十里至胡家窩二十里至二道井二十里至一半拉門三十里至白旗堡三十里至劉河溝十里至黃旗堡八里至小黃旗堡二十二里至巨流河十五里至顧家子二十五里至老邊二十里至大石橋三十里至奉天府二十里至大窪二十里至蒲河十里至汛溝鋪二十里至懿路站二十里至范家屯十里至新鋪十里至鐵嶺縣十里至高麗站五里至平定堡五里至山頭鋪四十里至開原縣十五里至開原站十五里至柳條邊威遠堡門四十里至棉花街五十里至也合站五十里至火燒嶺三十里至黑兒蘇站三十里至小孤山四十里至大孤山三十五里至易屯河二十五里至一把旦二十五里至石頭河三十五里至雙陽河六十里至衣兒門二十里至沙溝三十里至一拉溪二十里至搜登二十里至水哈三里至小水哈五十里至船廠過混同江至尼什哈站三十里至交密峰四十里至厄黑木站十里至那木窩稽三十里至山神廟五十里至拉發站七十里至退屯站三十里至色出窩稽六十里至朱崙多河五十里至俄莫賀索落站百里至必兒漢必拉站四十里至德林二十里至沙蘭站四十里至藍旗溝四十里至甯古塔

山海關外奉天將軍所轄二十四站曰沙河站東光站甯遠州高橋站小凌河站十三站廣甯驛舊肅河二道井站白齊鋪巨流河舊邊站○盛京驛石榴河東京驛狼子山甜水站連山關通源堡雪裏站鳳凰城高麗堡威遠堡伊魯站

甯古塔將軍所轄二十二站曰葉赫站黑爾蘇阿爾離額木爾站一把旦站蘇瓦鹽站依爾門站叟登站尼什哈站額黑木站額伊虎站拖伊屯站鄂木合梭羅站畢爾漢畢喇沙鹽站甯古塔驛吉林城金州俄佛羅站發武哈邊界蒙滾河孫查包速素舍里村白都訥村

黑龍江將軍所轄十九站曰茂欣速素站古魯村站他爾哈池站多耐站溫托潭池站武墨得黑村布克

村塔哈兒村甯年池站喇哈岡站薄兒德村喀母尼喀俄佛羅站乙喇喀池站墨爾根村科落爾河站喀爾塔爾幾河站庫木爾山站額爾兒站黑龍江

康熙十六年甯古塔梅勒章京薩布素以繩量道里兩度爲丈百八十丈爲里自甯古塔西關門始至船廠東關門止凡九萬八千丈爲五百五十里今分八站作六百三十餘里以中國之里數較之直千里之外矣

盛京戶部設滿洲侍郎一員理事官一員堂主事一員郎中四員員外郎七員主事二員司庫三員禮部設侍郎一員理事官一員堂主事一員郎中二員員外郎四員主事五員助教二員讀祝官八員贊禮郎八員筆帖式十二員兵部設侍郎一員理事官一員堂主事一員郎中二員員外郎八員主事三員刑部設侍郎一員理事官一員堂主事一員郎中六員員外郎十五員主事二員筆帖式二十三員工部設侍郎一員理事官一員堂主事一員郎中二員員外郎五員主事二員司務一員司庫一員筆帖式二十七員烏林大七員管匠役官一員管理修〇〇〇陵漢軍四品官一員五品官一員管理各項匠役漢軍六品官一員看守〇篤恭殿漢軍六品官一員分掌百工勞作山澤採捕等事

恭按〇〇〇永陵〇〇〇福陵〇〇〇昭陵各設總管一員掌關防官一員副理關防官一員包衣大一員布打衣大一員茶衣大一員筆帖式二員〇妃嬪祔葬處各設看守首領一員又設噶喇大二員管壯丁六品官一員專司陽石木地方供祭牛羊

奉天將軍下設副都統二員協領八員佐領六十三員半箇佐領四員防禦三十二員驍騎校六十三員筆帖式十一員放荒正尉一員副尉二員馬兵二千六百四十名步兵四百名看守寶勝佛兵八名牛莊設防禦三員筆帖式一員兵八十名蓋平設防禦三員筆帖式一員兵百名鳳凰城設拜他喇布勒哈番

三員筆帖式一員兵百五十名廣甯設協領一員佐領三員防禦三員驍騎校三員筆帖式二員兵二百十四名○興京設防禦三員筆帖式一員兵八十名開原設防禦三員筆帖式二員兵百七十二名錦州府設城守尉一員佐領十二員驍騎校十二員筆帖式二員兵五百三十名前錦州設防守尉一員佐領二員驍騎校八員筆帖式二員馬兵百五十名步兵五十名內佐領驍騎校各一員兵百名移駐中後所易州設城守尉一員伊爾希大二員拜他喇布勒哈番一員陀沙拉哈番一員佐領六員驍騎校六員八品官一員筆帖式二員兵九百七十名山海關至威遠堡等八門每門設守禦一員筆帖式一員撥什庫一名兵十名

甯古塔烏喇等將軍下設副都統二員協領八員佐領五十八員防禦二十四員驍騎校五十八員管船廠廠水手總管一員四品官二員五品官二員驍騎校四員督管驛站六品官一員助教一員筆帖式十四員兵三千九百二名內防甯古塔兵三百五十名畢勒亨邊門設防禦四員兵八十名

愛渾即黑龍江將軍下設副都統二員協領八員佐領四十員防禦十六員驍騎校四十員助教一員筆帖式

十一員兵二千名游牧地方每旗設蒙古總管一員副總管二員

關東糧運始於康熙二十二年會典開成鄧子村易屯門及易屯口等處設倉每歲農隙時運米開成倉內春秋二季以舟運至鄧子倉又自鄧子村陸運百里至易屯倉由易屯門河舟運至易屯口直達混同江給烏喇兵糧甯古塔至黑龍江設專管修理糧船漢軍四品官二員五品官二員驍騎校二員撥什庫八名

盛京甯古塔黑龍江駐防官員缺該將軍副都統將本處本旗應陞官內揀選一員咨送兵部及在京本旗固山額真固山額真又將在京應陞官內派出數員一同引見然外送者恆用十之九至兵丁亡故老

病退甲之缺有子嗣者准其頂補若無子嗣將軍副都統將伊奴僕頂補如有承受家產之主在京情願取回其僕者令其搬回缺另酌補

明時遼東邊外部落分爲二種在西北者曰三衛三衛者秦寧在東北者曰女直西女直種三海西者爲海

建州女直種東最遠者爲野人女直置都司一曰奴兒干都司置衛三百八十一所二十四站七地面七寨一

明末東北邊部落爲○大清所并者三十有六海西則有屬倫國之吳喇哈達輝發也赫建州毛憐則有滿洲之蘇克蘇渾河渾河王甲董鄂哲陳蘇完鴨喇古長白山之訥殷朱舍里鴨綠江野人則有瓦爾喀之阿庫里尼滿兀爾格陳綏分雅蘭戶野兀爾機尼黑庫倫諸落河灣烏爾古辰虎爾哈之兀扎喇綽庫禪能吉爾庫爾克之喇里圖鐸陳阿撒津多金兀庫爾城掛喇爾額蘇里額爾兔黑龍江之葛爾達蘇薩哈連

東北邊部落舉國內附者二十有六瓦爾喀則有蜚悠虎爾哈則有格克里石拉忻那堪泰託科落羅努牙喇默爾車勒黑葉馬爾遮賴科爾佛科爾庫薩喀里松阿里則有撻牙喇黑龍江則有戈博爾寨布奇何黑岱克殷吳魯蘇榆爾根海輪固濃昆都輪吳藍精格里渾泰使犬部則有蓋青窩稽則有那木都魯東北邊部落現在貢甯古塔者八每年自四月至六月俱以次入貢自甯古塔東北行四百餘里住虎爾哈河松花江兩岸者曰拏耶勒口革依克勒口拈什喀里此三喀喇役屬久其頭目皆尙少主少年精悍者漸移家內地編甲入戶或有爲侍衛者初服魚皮今則服○大清衣冠名異齊滿洲異齊者漢言新也其地產貂自甯古塔東行千餘里住烏蘇里江兩岸者曰穆連連俗類窩稽產貂又東二百餘里住伊爾河源者曰欺牙喀喇其人黥面其地產貂無五穀夏食魚冬食獸以其皮爲衣自甯古塔東北行千五百里住松花黑龍江兩岸者曰雞髮黑金喀喇凡六俗類窩稽產貂以上皆每年入貢又東北行四五百里

小方輿記也隻少 第一 柳邊紀略七 三百五十七 南清河王氏編版